

A Uburyo bwo kwiga Bibiliya:

❖ Igihe

- Ni ikihe gihe cyiza cyo kwiga Bibiliya? Tugomba gusesengura igisubizo cyacu dukurikije ibintu bibiri: igihe no kwiga neza.
- Birumvikana ko tuzungukira cyane mu kugena isaha imwe mu ngengabihe yacu yo kwiga Bibiliya kuruta kugena iminota itanu gusa.
- Nyamara igihe tugenera kwiga ntikigomba kugarukira ku gusoma gusa. Aha ni ho intego yacu igaragarira. Kuki nsoma Bibiliya? Ese ndimo gushaka ubumenyi gusa, cyangwa mfite icyifuzo gikomeye cyo kumenya byinshi ku Mana?
- Twungukira cyane mu kwiga Bibiliya iyo bihindutse igihe cyo kubana n’Imana (Yeremiya 29:13), no kuyishimira (Zaburi ya 37:4); ni igihe dushakira mu mapaji yayo ubutumwa bwihariye bw’Imana kuri twe.

❖ Ahantu

- Iyo Yesu yabaga ashaka umwanya wihariye wo kuvugana n’Imana, yabyukaga kare agashaka ahantu hatuje (Mariko 1:35). Ibi bishobora kuba akabarore haba mu gusenga ndetse no mu kwiga Bibiliya.
- Biragoye kwiga ushishikaye uri ahantu hari urusaku cyangwa hari ukunyuranamo. Biroroshye kubikorera ahantu heza, hatuje kandi hiherereye.
- Amasaha ya mbere cyangwa ya nyuma y’umunsi, igihe haba hari ituze ryinshi, ashobora kuba igihe kitworohye kugumisha ibitekerezo byacu ku Mana.
- Tumaze kubona igihe n’ahantu bya nyabyo, dukwiriye kubigira (kwiga) ikintu gihoraho. Ahari ikintu kidasanzwe cyaturogoya, ariko ntitukareke ngo igihe kinini kigende tudakoresheje Bibiliya yacu buri munsi.

❖ Uburyo

- Kwiga Bibiliya mu buryo bwimbitse bigizwe n’imigabane ine
 - (1) Gusenga
 - (a) Rarikira Umwuka Wera kukubera umuyobozi mu myigire yawe
 - (b) Azagukora ku mutima no mu ntekerezo kugira ngo usobanukirwe ibyo usoma
 - (2) Gusoma no gusobanukirwa [inama itangwa]
 - (a) Hitamo umurongo cyangwa umugabane wo muri Bibiliya
 - (b) Wandike kugira ngo bigufashe kuwinjiza mu bwenge bwawe
 - (c) Ca umurongo ku ngingo z’ingenzi
 - (d) Andika ibitekerezo bijyanye n’izo ngingo z’ingenzi
 - (3) Gusenga
 - (a) Saba Imana kugufasha gushyira mu bikorwa ingingo wize
 - (4) Gusangiza abandi
 - (a) Tekereza uwo ushobora gusangiza ibyo wize
- Ubundi buryo bwo kwiga Bibiliya
 - (1) Gereranya umurongo n’undi murongo (Yesaya 28:10)
 - (2) Wige ibice cyangwa ibitabo uko byakabaye
 - (3) Wige ingingo cyangwa ijambo ukoresheje guhūza n’indi migabane ivuga kuri iyo ngingo
 - (4) Reba ubusobanuro bwa Bibiliya cyangwa inkoranyamagambo
 - (5) Soma unajyanisha n’imigabane iri mu bitabo “by’Umwuka w’Ubuhanuzi” bya Elina White
 - (6) Read in parallel with passages from the “Conflict of the Ages” series by Ellen White

B Inyungu zo kwiga Bibiliya:

❖ Inyungu zo kuyisangiza abandi

- Tuvuge ko wasabwe gutegura ikibwiriza cyo mu materaniro yo ku Isabato. Ufata umwanya wihariye wo kwiga usenga, ingingo Umwuka Wera yaguhumekeye guhitamo. Ku Isabato, ubwirije mu mbaraga. Ni nde uzabonera inyungu cyane muri iki kibwiriza?
- Icyigisho cya Bibiliya dusangije abandi—haba mu kibwiriza cyangwa ku giti cyacu—gifite inyungu ebyiri.
- Iya mbere, twungukira ku byo twize. Iya kabiri, abantu dusangiza ibyo twamenye bungukiramo kandi bagashishikarizwa kwimbika cyane muri ubwo bumenyi.
- Muri ibyo bihe byombi, umubano n’Imana urakomera kandi ukarushaho kwimbika. Ubwo ni bwo bubasha bw’Ijambo ry’Imana, “ntirizagaruka ubusa” (Yesaya 55:11).

❖ Inyungu zo kuyirya

- Tugomba kurya Ijambo ry’Imana (Yeremiya 15:16)! Nubwo iryoshye kurusha ubuki, ntabwo tuyirya mu buryo bufatika (Zaburi ya 119:103). Gusoma Bibiliya ni ibyokurya by’ubugingo, ni isoko nyakuri ikiza ubugingo bwacu kandi igahindura imico yacu.
- Kandi ikirenzeho, ibi byokurya ni ubuntu (Yesaya 55:1)! Tugomba kwegera no kumva icyo Imana itubwira binyuze muri Bibiliya (Yesaya 55:3). Uko tumara igihe kinini twigira ku mapaji yayo, ni ko turushaho kubona ibyokurya biryoshye, kandi tukagira imigisha myinshi.